

地尙不知吾之裁成則又孰知其爲帝力嘆執天之行玩物之化自然而然智力皆假

以道佐人主章第三十

以道佐人主者不以兵強天下其事好還師之所處荆棘生焉大軍之後必有凶年故善者果而已不敢以取強果而勿矜果而勿伐果而勿驕果而不得已是果而勿強物壯則老是謂不道不道早已

大德曰生止戈爲武一念之非傷天地悉嘆作善降之百祥上帝臨汝

夫佳兵章第三十一

道藏輯要

道德真經章句訓頌

三

心集五

夫佳兵者不祥之器物或惡之故有道者不處君子居則貴左用兵則貴右兵者不祥之器非君子之器不得已而用之恬淡爲上勝而不美而美之者是樂殺人夫樂殺人者不可得志於天下吉事尙左凶事尙右偏將軍處左上將軍處右言以喪禮處之殺人衆多以悲哀泣之戰勝以喪禮處之

備而不用者全師征而無戰者上勝易其位者非吾所崇悲其功者示之深警嘆金錄九真三示戒慈悲不殺是真符憑君莫說封侯事一將功成萬骨枯

道常無名章第三十二

道常無名樸雖小天下不敢臣侯王若能守萬物將自賓天地

相合以降甘露人莫之令而自均始制有名名亦既有夫亦將
知止知止所以不殆譬道之在天下猶川谷之於江海
微而能尊者理感而必應者蒸散而有名者形執而不復者
器噴出乎器復乎虛廓乎萬有之一初

知人者智章第三十三

知人者智自知者明勝人者有力自勝者強知足者富強行者
有志不失其守者久死而不亡者壽

自知自勝有深功篤實剛純守此中九竅百骸皆幻妄無今
無古是真空噴明乎靜安乎定以有其性不聽於命

大道汎兮章第三十四

道藏輯要

道極真經言句勸頌

三

心集五
川上三上

大道汎兮其可左右萬物恃之以生而不辭功成不居衣被萬
物而不爲主故常無欲可名於小矣萬物歸焉而不爲主可名
於大矣是以聖人終不爲大故能成其大

惟其無所係故無以窺其爲無以窺其爲故無不可違乃知
已大而物小惟不自大者能之噴天地萬物惟形是礙大不
可小小不可大

執大象章第三十五

執大象天下往往而不害安平泰樂與餌過客止道之出口淡
乎其無味視之不足見聽之不足聞用之不足既

妙象無象妙樂無聲妙餌無味妙用無能自歸自止自生自